

pluralis formatur abiecta litera *k* suffixi *ik*, et adiecto suffixo *kil*. Sic ex verbis e. g. *ua-itnilwit-ik*, *cogitavi*; *u-tsganatkagam-ik*, *accusavi me ipsum* efformantur formae imperativae: *itnilwit-am cogita*; *itnilwit-i-kil*, *cogitate*; *tsganatkagan-am*, *accusa te ipsum*; *tsganatkagan-i-kil*, *accusate cosmetipsos*. Vides in formis imperativis verborum desinentium in *mik* literam *m* mutari in *n*. De eiusmodi alterationibus phonicis alibi sermo erit.

Si vis habere formas imperativas pro prima et tertia persona, illas desumes ex modo subiunctivo, quemadmodum et in aliis linguis fieri solet.

In verbis transitivis, si persona patiens sit secunda singularis vel pluralis, ad habendas formas imperativas adicies themati desinentiam *n* vel *nu*; verum in forma numeri pluralis ante desinentiam inserenda est particula *awas*, quae est characteristicae secundae personae patientis: e. g. *tsikat-u*, *adspice me*; *tsikat-awas-nu*, *adspice nos*.

MODUS SUBIUNCTIVUS.

Particula *l* inserta post characteristicas personarum est characteristicae modi subiunctivi. Verba primae classis in modo subiunctivo reiciunt desinentiam modi indicativi; verba secundae classis mutant desinentiam *ge* in *m*. Exempla: *u-l-tsikat*, *adspiciam*; *n-l-tsina-m*, *abeas*; *l-itkinmik*, *faciat se*; *u-l-tsikat-alla*, *adspiciamus*; *u-l-tsina-g-alla*, *eamus*; *u-l-itkin-i-alla*, *faciamus nos*; etc. Inde participia: *ku-l-tsikat*, *ut adspiciam*; *kin-l-tsina-m*, *ut eas*; *k-l-itkinmik*, *ut faciat se*; etc.

Forma subiunctivi modi usupatur pro conditionali temporis praeteriti, et pro modo optativo: e. g. *u-l-tsikat*, *si viderissem*; *utinam viderem*.

Forma conditionalis temporis futuri est ipsum thema verbale insertis solummodo characteristicis personarum, adiecta praeterea, in verbis secundae classis, desinentia *m*. Exempla: *u-tsikat*, *si aspexero*; *u-tsikat-alla*, *si aspexerimus*; *n-tsina-m*, *si abieris*; *u-tsina-g-alla*, *si abierimus*; *n-itkinmik*, *si fecerit se*; *n-itkin-i-kil*, *si feceritis vos*. Forma conditionalis caret participio.

Desiderantur in verbo *ksanka infinitiva et gerundia*.